

ЯЪҚУБИЙНИНГ “ТАЪРИХ” АСАРИДА ФАРҒОНА ТАРИХИГА ОИД МУҲИМ МАНБА

Юлдашев Саиданварбек Бахромжон ўғли,
Фарғона давлат университети (PhD)
bahromzoda_turkzod@mail.ru

АННОТАЦИЯ

Мақолада тарихий манбалар ва адабиётларга асосланган ҳолда Фарғона тарихининг ўрта асрлар даврини тадқиқ этишда муҳим манба Яъқубийнинг “Таърих” асари таҳлил этилган. Араблар истилоси даврида Фарғона юз берган тарихий воқеалар, бўлиб ўтган йирик жанглар ва сиёсий жараёнларни ўрганишда ушбу асарнинг аҳамияти кўрсатиб берилган.

Калит сўзлар: Яъқубий, Таърих, Қутайба ибн Муслим, араблар, Фарғона, Қува, Хитой, Сирдарё, Сулаймон, Ал-Ҳажжож.

КИРИШ

Фарғонанинг V – X асрлар тарихи тўғрисида маълумот берувчи манбаларнинг асосий қисмини араб тилида ёзилган асарлар ташкил этади. Улар қаторига Балазурий (820 – 892)нинг “Футуҳ ал-булдон”, Диноварийнинг (828 – 896) “Китоб ал-ахбор ат-тивол”, Яъқубий (IX аср)нинг “Таърих” ва “Китоб ал-булдон”, Табарий (839 – 923) қаламига мансуб “Тарихи ар-русул ва-л-мулук”, Хурдодбеҳ (820 – 913)нинг “Масолик ал-мамолик”, Ал-Истахрий (850 – 934)нинг “Китоб масолик ва-л-мамолик”, Маъсудий (896 – 956)нинг “Муруж аз-заҳаб”, Ибн ал-Фақиҳ (IX – X асрлар)нинг “Китоб ахбор ал-булдон”, Ибн Ҳавқал (X аср) томонидан ёзилган “Китоб сурат ул-арз”, Ибн ан-Надим (X аср)нинг “Китоб ал-фиҳрист”, Муқаддасий (947 – 1000)нинг “Аҳсан ал-тақосим фи маърифат ал-ақолим”, Мискавайҳ (X – XI асрлар) томонидан битилган “Тажариб ал-умам”, Утбий (961 – 1037) томонидан ёзилган “Тарихи Йаминий”, Нажмуддин ан-Насафий (1067 – 1142)нинг “Ал-Канд фи зикри уламои Самарқанд”, Ас-Самъоний (1113 – 1167)нинг “Китоб ал-ансоб”, Ибн ал-Асир (1160 – 1234)нинг “Ал-комил фи-т-тарих”, Ибн ал-Қифтий (1172 – 1248) томонидан битилган “Тарих ал-хукамо”, Якут Ҳамавий (1179 – 1229) қаламига

мансуб “Муъжам ал-булдон”, Ибн Халлиқон (1211 – 1282)нинг “Вафоёт ал-аён ва анбау ал-замон” асарларини¹ киритишимиз мумкин.

АДАБИЁТЛАР ТАҲЛИЛИ ВА МЕТОДОЛОГИЯ

Юқорида номлари санаб ўтилган тарихчилар орасида ал-Яъқубий алоҳида ўрин тутди. Унинг тўлиқ исми Абу-л-аббос Аҳмад ибн Абу Якуб ибн Жаъфар ибн Ваҳб ибн Вадих ибн ал Котиб ал-Аббосийдир. Афсуски, унинг ҳаёти ва ижодига оид маълумотлар ҳозирга қадар деярли етиб келмаган. Манбаларда сақланган олим тўғрисидаги кам сонли маълумотларга кўра, Ал-Яъқубий IX асрда Бағдодда Аббосийлар сулоласига қариндош хонадонда таваллуд топган. Ёшлик йиллари Арманистонда ўтган тарихчи, кейинчалик Хуросонга келиб Тохирийлар хизматига киради. 873 йилда Тохирийлар ҳокимиятдан кетгач, ал-Яъқубий Ҳиндистонга саёҳат қилади. Ҳиндистондан Мисрга, у ердан эса Мағрибга ўтган. Олим ўз саёҳатлари асосида “Китоб ал-булдон”² ва “Таърих” номли асарлар яратган. Улардан Фарғона тарихига оид учун муҳим маълумот берувчи асар – “Таърих” китоби бўлиб, умумий тарих типидида ёзилган. Асарнинг араб тилидаги дастлабки танқидий матни 1883 йилда голланд

¹ Ibnu'l Esir. Islam tarihi. El Kamil Fi't Tarih Tercumesi. / Ceviren Yunus Apaydin. – Cilt 6. – Istanbul: Turkiyat matbaacilik ve nesriyat, 1986. – 492 s; Ибн ал-Асир. Ал-Камил фи-т-Таърих (Полный свод истории) // Перевод с арабского языка, примечания и комментарии П.Г. Булгакова. Дополнения к переводу, примечания и комментарии, введение и указатели Ш.С. Камолиддина. – Ташкент: Узбекистан, 2006. – 559 с; El-Belâzurî, Ahmed b. Yahya. Futuh-ul-Buldan. Tercüme Prof. Dr. Mustafa Fayda. – Istanbul: Siyeryayinlari, 2013. – 657 s; Al-Balazuri. Liber expugnationis regionum, auctore Imamo Ahmed ibn Jahja ibn Djabir al-Belol, quem a codice Leidensi et codice Musei Britannici ed. M.J.de Goeje, Lungduni Batavorum, 1866. – 1376 p; Ал-Балазури, Ахмед ибн Йахйя ибн Джабир. Завоевание Хорасана (извлечение из сочинения «Футух ал-Булдан») Перевод с арабского языка, введение, комментарии и указатели Г.Гоипова. – Душанбе: Дониш, 1987. – 111 с; Al-Makdisi. Descriptio imperii moslemici auctore Schamso'd-din Abu Abdullah Mohammed ibn Ahmed ibn abi Bekr al-Banna al-Basschari al-Mokaddasi. Ed. M. J. de Goeje, Lungduni Batavorum, 1877; ed. 2: 1906. – 514 p; Абу Бақр Наршахий. Бухоро тарихи. Форс тилидан А.Расулев таржимаси. Масъул муҳаррир А.Ўринбоев // Мерос. – Ташкент. Камалак, 1991; Ас-Самъоний, Абдулкарим. Насабнома. Таржимонлар: Ҳожи Абдулғафур Раззоқ Бухорий, Комилжон Рахимов. – Тошкент, 2017. – 273 б; Насафий, Нажмиддин Умар ибн Муҳаммад ибн Аҳмад. Ал-Канд фий зикри уламон Самарқанд / Араб тилидан таржима Усмонхон Темурхон ўғли ва Бахтиёр Набихон ўғлиники. – Тошкент: Ўзбекистон миллий энциклопедияси, 2001. – 304 б; The History of al-Tabari. / Translated by Carole Hillenbrand. – Vol. 26. – New York. State University of New York Press, 1989. – 300 p; The History of al-Tabari. / Translated by John Alden Williams. – Vol. 27. – New York. State University of New York Press, 1985. – 250 p; Abu Nasr Utbiy. Kitobi Yamini. Translated from the Persian version of the contem for arly arabic chronicle of Al Utbi, by the rev. James Reynolds, b.a. – London: Printed for the oriental translation fund of Great Britain and Ireland. 1891; Ибн Ҳавқал. Китаб сурат ул-ард. Араб тилидан таржима ва изоҳлар муаллифи Ш. С. Камолиддин. – Тошкент: Ўзбекистон миллий энциклопедияси, 2011. – 400 б; Ибн Хауқал. Китаб сурат ул-арз (пер. с арабского О. Б. Фроловой) // Материали по истории Средней и Центральной Азии X-XIX вв. – Ташкент: Фан, 1988; Rudhrwari, Abu Shuja', Hilal b. Muhassin. The Experiences of the Nations. Edited, translated, and elucidated by H.F.Amedroz and D.S.Margoliouth. – Oxford: Basil Blackwell, 1921. – 504 p; Йақут Хамави. Муджам ал-булдан. 8 т. Бейрут, 1956.

² Яъқубий. Kitab al-buldan. Kitab al-a'lak an-nafisa YII auctore Abu Ali Ahmed ibn Omar ibn Rosteh et Kitab al-boldan auctore Ahmed ibn Abu Jakub ibn Wadhiih al-Kitab al Yakubi. Ed. M.J. De Goeje, ed 2, Lungduni Batavorum, 1892.

шарқшунос олими М.Т.Хаустма³ (1851 – 1943) томонидан чоп этилган. Биз мақолани тайёрлашда ушбу нашрдан фойдаландик.

Асар икки қисмдан иборат бўлиб, биринчи қисмда Одам Атодан Арабистонда ислом дини жорий этилгунга қадар бўлган давр тарихи⁴, иккинчисида эса мусулмон мамлакатларининг 872/873 йилгача бўлган тарихи баён этилган. Муҳим жиҳати, Суғд, Шош, турклар, қарлуқлар ва Фарғона тўғрисидаги маълумотлар ҳар икки қисмда ҳам учрайди⁵. Асарнинг биринчи қисмида келтирилган Фарғона ҳақидаги маълумотлардан ал-Маъсудий ўзининг “Муруж аз-заҳаб” асарини ёзишда фойдаланган⁶. Бу асарнинг бирламчи манба сифатидаги аҳамиятини яна ҳам оширади.

Фарғонанинг араблар истилоси тарихи тўғрисида қимматли маълумотлар “Таърих”нинг иккинчи қисмидан ўрин олган. Асарнинг “Айями Сулаймон бин Абдулмалик” (Халифа Сулаймон ибн Абдумалик*нинг ҳукмронлик даври) деб номланган бобидан бошлаб Фарғона тўғрисидаги маълумотлар учрайди⁷. Жумладан, Қутайба ибн Муслим (669 – 715)нинг халифа Сулаймон (674 – 717)га қарши Фарғонада кўтарилган исёни тўғрисидаги муҳим маълумотлар ушбу бобдан ўрин олган⁸. Яъкубийнинг қайд этишича, Қутайба ибн Муслим ал-Ҳажжож* томонидан Хуросон ноиблигига тайинланган эди. Ал-Ҳажжож (661 – 714) эса халифа Волид (668 – 715)нинг ишонган кишиларидан бири ҳисобланган. Халифа Сулаймон тахтга келган вақтдан бошлаб Волид ва ал-Ҳажжожнинг одамларини таъқиб этишни бошлайди. Бундан хабар топган Қутайба ўз ака – укалари ва қариндошларини араб бўлмаган ҳудудлар – ўзи

³ Яъкубий. Таърих. Ibn Wadhih qui dicitur al-Ja'qubi. Historiae Ed. M.Th.Haustma, pars 1, historiam ante-islamicam continens; pars 2, historiam islamicam continens. Lunduni Batavorum, 1883 (кейинги ўринларда – Яъкубий. Таърих.).

⁴ Яъкубий. Таърих. I. – P. 2-3.

⁵ Яъкубий. Таърих. II. – P. 204-208.

⁶ El-Mas'udi. Historical encyclopedia entitled Meadows of gold and mines of gems. Translated from the Arabic by Aloys Sprenger. Vol. I. London: Printed for the oriental translation fund of Great Britain and Ireland, 1841. – P. 310-312.

* Изоҳ 1.: Сулаймон ибн Абдулмалик – 715 – 717 йиллада ҳукмронлик қилган Уммавий халифа. Абдумалик ибн Марвоннинг ўғли ва Волид I нинг кичик укаси. Акаси Волиднинг халифалик йилларида у Фаластин ноиб сифатида фаолият кўрсатган. Исроилдаги Рамла шаҳрининг асосчиси. 717 йил сентябр ойида Суриядаги Дабик кишлоғи яқинидаги қароргоҳида касалланиб вафот этган. Қаранг: Большаков О.Г. История Халифата. Т.4. Апогей и падение. – Москва: Восточная литература РАН, 2010. – С. 124-135.

⁷ Яъкубий. Таърих. II. – P. 352.

⁸ Яъкубий. Таърих. II. – P. 354.

* Изоҳ 2.: Абу Муҳаммад ал-Ҳажжож ибн Юсуф ас-Сакафий – 694-714 йилларда Ироқни идора этган Умавийлар ноиб, араб саркардаси. Қаранг: Большаков О.Г. История Халифата. Т.4. Апогей и падение. – Москва: Восточная литература РАН, 2010. – С. 12.

етиб бормаган Фарғонанинг энг чекка ерларига юборади⁹. Айни воқелик борасида аввалроқ исми тилга олинган тарихчи Табарий бошқа маълумотни ёзиб қолдирган бўлиб, унга кўра Қутайба ўз яқинларини Марвдан Самарқандга кўчирган эди¹⁰.

Қутайбанинг қўл остидаги ҳарбийлардан Абдуллоҳ ибн Аҳтам Тамимий қочиб халифа Сулаймондан (715 – 717) паноҳ топган эди. Шу сабабли Қутайба унинг яқинларини ўлдириб, қўл ва оёқларини кесишни буюради. Қутайба Сулаймонга мактуб йўллади, аммо ундан ҳақоратли жавоб олгач Фарғонада исён кўтаради. Бироқ, тамимийлар томонидан қўллаб-қувватланмаган Қутайба водийда Ҳайён Набатий томонидан ўлдирилади¹¹. Хуросонда Қутайба ишларини Вакиъ* ўз қўлига олади. Вакиъ Қутайба ва унинг яқинлари бошларини Сулаймонга жўнатади. Бу ишлар ҳижрий 96 йил* да бўлиб ўтганлиги таъкидланади.

МУҲОКАМА ВА НАТИЖАЛАР

Яъқубий асарида келтирилган Қутайбанинг ўз оиласини Фарғонанинг ҳали араблар етиб бормаган қисмига юборганлиги тўғрисидаги қайдлар муҳим бўлиб, ушбу маълумот ҳозирги кунгача тарихшунослигимизда Фарғона араблар томонидан 715 йилда Қутайба бошчилигида эгалланган, деган фикрнинг нотўғрилигини ҳамда уни қайта кўриб чиқиш кераклигини англатади.

Яъқубийнинг асарида суғдийлар қўзғолони вақтида Хўжанднинг араблар томонидан эгалланиши ҳақида маълумотларни учратамиз¹². Унда айтилишича, Маслама* Хуросонга Саид ибн Абдулазиз* ни ноиб этиб тайинлагач, янги ноиб

⁹ Яъқубий. Таърих. II. – P. 354.

¹⁰ The History of al-Tabari. / Translated by Martin Hinds. – Vol. 23. – New York. State University of New York Press, 1990. – P. 222.

¹¹ Яъқубий. Таърих. Pars 2. P.354., The History of al-Tabari. Vol. 23. – P. 224.

* Изоҳ 3.: Абу Мутарриф Вакиъ ибн Аби Суд Тамимий – Тамимий қабиласидан бўлган Қутайбадан кейин Хуросон ноиб этиб тайинланган халифа Сулаймоннинг тарафдори. Унинг ноиблиги тўққиз ой давом этган. Қаранг: Яъқубий. Таърих. II. – P. 354.

* 714 йилнинг 16-сентябридан – 715 йилнинг 4-сентябригача.

¹² Яъқубий. Таърих. II. – P. 373.

* Изоҳ 4.: Маслама ибн Абдулмалик – VIII асрнинг биринчи ярмида яшаган араб саркардаси. Халифа Абдулмалик ибн Марвоннинг канизақдан туғилган ўғли, халифалар Волид ва Хишомларнинг укаси. Онаси канизақ бўлгани учун у тахтга эгалик қилишга ҳақли эмас эди ва у бир умр тахтга даъвогарлик қилмади. 720-721 йилда рўй берган Язид ибн Мухаллаб қўзғолонидан кейин Ироқ ноиб этиб тайинланган. Одатда Хуросон ноибларини Ироқ ноиблари тайинлар эдилар. Маслама 738 йили Суриядаги ҳарбий юриш вақтида ҳалок бўлган. Қаранг: Rotter G.n'Maslama b. 'abd al-Malik b. Marwān', in Encyclopaedia of Islam. Leiden: Brill, 1991. – P. 740.

* Изоҳ 5.: Саид ибн Абдулазиз – Маслама томонидан тайинланган Хуросон ноиб. Унинг бошқаруви даври манбаларда Ўрта Осиёда араблар ҳукмронлигининг пасайишига сабаблардан бири сифатида кўрсатилади. Чунки Маслама ибн Абдулмалик салоҳиятли бўлмаса-да, аммо ўзининг қариндоши бўлган Саид ибн

Самарқандга йўл олади ва у ерда қароргоҳ тиклайди. Фарғона маликаси* Самарқандга Саид ибн Абдулазиз хузурига элчи юбориб, агар араблар Фарғонага қўшин юбормаса, суғдийларга қарши курашда арабларга ёрдам беришини айтади. Малика шунингдек “суғдлар ерларини тарк этиб, Хўжандда тўхтадилар ва араблар билан сулҳ тузгунча ёки бошқа ерга кетгунча биздан уларни вақтинча бизнинг еримизга (Фарғонгага) киритишимизни сўрадилар. Хўжандда уларнинг ейдиган ва ичадиган ҳеч нарсаи йўқ, ўзларини ҳимоя қилиш учун ҳам қурол-яроқлари йўқ. Агар сиз уларга хужум қилмоқчи бўлсангиз, ҳозир бунинг айна вақтидир”, – деди¹³. Бунга жавобан Саид ибн Абдулазиз саркадаларидан бири Савро ибн Хур ал-Доримийни Хўжандга юборади. Ўзи ҳам йўлга чиқиб, Хўжандда Савро ибн Хур ал-Доримий билан бирлашади ва шаҳарни эгаллайди¹⁴.

Аммо, Яъкубий Саид Хузайнанинг Хўжанддаги ҳарбий ҳаракатларини ёзишда хатоликка йўл қўйган. Тўғри, у Моворауннаҳрга қўшин тортиб келади, аммо ҳал қилувчи зарбани Саид ал-Хароший йўллайди. Сабаби айна вақтда Саид ибн Абдулазиз Хуросон ноиблигидан тушурилиб ўрнига Саид ал-Хароший тайинланган эди¹⁵. Бундан ташқари, Суғдийлар кўзғолони даврида Хўжанд шаҳри Саид Хузайна эмас, балки Саид Хороший томонидан жанг қилиб эгалланган эди. Бу борада, ал – Якубий йўл қўйган яна бир чалкашлик шунда эдики, араблар билан Фарғона маликаси эмас, балки унинг ўша пайтдаги Фарғона подшоҳи Алутар музокара олиб боради. Алутарнинг онаси эса ўғлига араблар билан музокараларда тавсиялар берган, холос. Айна воқелик Табарий асарида батафсилроқ ёритилган.

Яъкубий муфассал бўлмаса-да, 723 йилда Муслим бинни Саиднинг Фарғонага қилган ҳарбий юриши ҳамда унинг мағлубиятга учраганлиги тўғрисида ҳикоя қилади¹⁶.

Абдулазизни бундай масъулиятли лавозимга тайинлаган. У халқ орасида “хузайна” – уй бекаси номини олган эди. Қаранг: Большаков О.Г. История Халифата. Т.4. Апогей и падение. – Москва: Восточная литература РАН, 2010. – С. 145-154.

* Изох 6.: Тарихчи Фарғона маликаси деганда Фарғона подшоҳи Алутарнинг онасини назарда тутган бўлса керак. Қаранг: The History of al-Tabari. / Translated by David Stephan Powers. – Vol. 24. – New York: State University of New York Press, 1989 – P. 169 – 170.

¹³ Яъкубий. Таърих. II. – P. 373.

¹⁴ Яъкубий. Таърих. II. – P. 373.

¹⁵ История ат-Табари. Пер. с араб. В.И. Беляева с дополн. О.Г. Большакова, А.Б. Халидова. – Ташкент: Фан, 1987. – С. 184-188

¹⁶ Яъкубий. Таърих. Pars 2. – P. 374

Асарда келтирилишича, халифа Мансур (754 – 775) томонидан Мансур ал-Лайс* Фарғонага юборилади. Ўша пайтда Фарғона ҳукмдори Фийрон ибн Афрокфарн эди*. Асарда келтирилган Фарғона ҳукмдорининг номи бошқа манбаларда учрамайди. Фарғона ҳукмдори ўша пайтда Қошғарда бўлиб, Қошғар “Таърих”да Фарғона ҳукмдорининг иккинчи қароргоҳи сифатида тилга олинади. Мансур ал-Лайс Фийрон ибн Афрокфарн билан қаттиқ кураш олиб баради. Натижада Фарғона ҳукмдори халифалик ҳокимиятини тан олади ва катта миқдорда ўлпон тўлашга рози бўлади¹⁷. Музокаралар ўтказиш учун Фарғона ҳукмдори Суғд ихшиди Ғуракнинг кичик ўғли Банижур*ни жўнатади. Банижур 744 йилда Хитойга элчи сифатида йўл олган эди. Аммо у қайтишда Суғдга эмас Қошғардаги Фарғона ҳукмдорининг қароргоҳига йўл олади¹⁸. Қошғарда Халифа Мансур (754 – 775) ҳукмронлигининг дастлабки йилларигача турган Банижур юқорида таъкидлаганимиздек, Фарғона ҳукмдори номидан элчи сифатида Самарқандга юборилади. Музокарага келган Банижур арабларнинг дастлабки талаби исломни қабул қилишни рад этиб: “Мени юборган шохга (Фарғона ҳукмдори назарда тутилмоқда) хиёнат қилмайман”, деб ўз сўзида қатъий туриб олади. Шундан сўнг у зиндонбанд этилади. Яъкубийнинг келтирилишича, Банижур Халифа Махдий ҳукмронлиги бошланишига қадар қамокда сақланади¹⁹. Афтидан Фарғона ҳукмдори ва арабларнинг келишуви амалга ошмайди. Фарғона ҳукмдори эса яна узоқ вақт Қошғарда яшашга мажбур бўлади. Фақат халифа Махдий даврида (775 – 783) Аҳмад ибн Асаднинг юришидан кейин Фарғона подшоси расман халифалик ҳокимиятини эътироф этди ва Косонга қайтишга рухсат олди²⁰. Айрим адабиётларда бу воқеа Бухорода 776 йилда бошланган Юсуф ал-Барм исёни²¹ вақтида юз берганлиги таъкидланади. Юсуф ал-Барм кўзғолони ҳам

* Изох 7.: Мансур ал-Лайс – Умавийлар сулоласи ҳукмронлиги давридаги сўнги Хуросон ноибни Наср ибн Сайёрнинг ўғли. Қаранг: Бартольд.В.В. Туркестан... – С. 259.

* Изох 8.: Матнда *فيران بن افراکفرن* тарзида ёзилган ва юқоридаги ўқилиши ҳам шартлидир. Қаранг: Яъкубий. Таърих. II. – Р. 466.

¹⁷ Яъкубий. Таърих. II. – Р. 466.

* Изох 9.: Матнда *باتيجور* (Батижур) кўринишида қайд этилган. Аммо Ш.Камоллиддин ўзининг “Ўзбекистонда ижтимоий фанлар” даврий тўпламининг 2003 йил №3 сонидagi мақоласида Банижур кўринишида вариантдан фойдаланган. Қаранг: Камоллиддин Ш. Новые данные о потомках царя Согда Гурака // Ўзбекистонда ижтимоий фанлар.2003. №3. – Б. 63-68.

¹⁸ Камоллиддин Ш. Новые данные о потомках царя Согда Гурака // Ўзбекистонда ижтимоий фанлар.2003. №3. – Б. 66.

¹⁹ Яъкубий. Таърих. II. – Р. 467.

²⁰ Яъкубий. Таърих. II. – Р. 478-479.

²¹ Кадырова Т. Из истории крестьянских движений в Мавераннахре и Хорасане в VIII – начале IX в. – Ташкент: Фан, 1965. – С. 125.

Хуросондаги тартибсизликлар натижасида Фарғона ва Суғдда арабларга қарши ҳаракатларнинг кучайиши натижасида кўтарилган эди²². Демак, Асад ибн Аҳмаднинг Фарғонага юриши тахминан 776 – 777 йилларда содир бўлган, деб хулоса қилишимиз мумкин.

Манбанинг сўнгида турли ҳудудлар ҳукмдорларининг мартабаларини санаба ўтади. Фарғона ҳукмдорларига келганда “Ф-р-й-а-н”^{*} тарзида зикр этилади. Фарғона ҳукмдорлари турли манбаларда, жумладан ибн Хурдодбех асарида ҳам “ихшид” шаклида келтирилади²³. Юқорида келтирилган ҳукмдор титули бошқа манбаларда учрамайди. Унинг қандай маъно англатиши ҳам ҳозирча ўз ечимини топгани йўқ. Асарда келтирилган Фарғона ҳукмдорининг Фийрон ибн Афрокфарн тарзида исми, ҳамда “Ф-р-й-а-н” тарзидаги унвон келиб чиқишига кўра суғдий исмларга яқин туради. Чунки ушбу исм ва унвон Муғ архивининг В-17 ҳужжатида Хахсар ҳокими деб қайд этилган Афарун, А-14 ҳужжатидаги²⁴ Панч ҳокими Деваштичнинг элчи сифатида тилга олинган Фатуфарн каби суғдий исмларга жуда ҳам яқиндир²⁵. Агар Яъқубий келтирган маълумотларни тўғри деб қабул қилсак, унда Қошғарда истиқомат қилиб турган Фарғона ҳукмдори келиб чиқишига кўра туркий эмас, балки Фарғонани узок йиллар давомида идора этган маҳаллий сулола вакиллари эканлигини англашимиз мумкин.

Фарғона ҳам Мовароуннаҳрнинг бошқа мулклари қатори Рофъе ибн Лайс кўзғолонида иштирок этгани тўғрисидаги хабар “Таърих”да келтирилган муҳим маълумотлардан биридир²⁶. Унда келтирилишича Хорун ар-Рашид (786 – 809) кўзғолонни бостириш учун Самарқандга Харсама ибн Абъянни юборади. Харсама ибн Абъян Рофъе ибн Лайснинг кўплаб тарафдорларини ўлдиргандан сўнг, у қарлуқлар етакчиси, Фарғонада арабларга қаршилиқ тарафдори Жабуядан ёрдам сўрайди²⁷. VIII асрнинг 90-йилларида Фарғонада ҳокимиятни яна қарлуқларнинг ябғуси юқорида тилга олганимиз Жабуя ўз қўлига олади²⁸.

²² Яъқубий. Таърих. II. – Р. 478.

^{*} Изоҳ 10.: Матнда *فريران* тарзида келтирилган. Қаранг: Яъқубий. Таърих. Pars 2. – Р. 480.

²³ Ибн Хордатбех. Книга путей и стран. Перевод с арабского, комментарии, исследование, указатели и карты Н.Велиховой. Баку. Элм, 1986. – С. 63.

²⁴ Согдийские документы с горы Муг. Вып. II: Юридические документы и письма / Чтен., пер. и коммент. В.А. Лившица. – М.: ИВЛ, 1962. – С. 77–91; Смирнова О.И. Очерки из истории Согда. – С. 228–236.

²⁵ Атаходжаев А.. Фарғона подшоши Алутарнинг илк ўрта асрлар тарихидаги ўрни //Фарғона водийси тарихи янги тадқиқотларда республика илмий-назарий конференцияси материаллари. Фарғона: 2012. – Б. 148.

²⁶ Яъқубий. Таърих. II. – Р. 378-379.

²⁷ Ўша жойда.

²⁸ ابو سعيد عبدالحی بن ضحاک بن محمود گردیزی. تاریخ گردیزی. به تصحیح و مقابله: عبدالحی حبیبی. تهران: دنیای کتاب، 1343. – ص. 276.

Шу сабабдан Хорун ар-Рашид даврида араблар Фарғонага юриш қилишга мажбур бўлдилар. Бу сафар Хорун ар-Рашиднинг Мовароуннахрдаги ноиби Фитриф Ато халифанинг буйруғи билан Фарғонага Амр бинни Жамил бошчилигида кўшин юборди. Бу юришдан асосий мақсад арабларга қарши курашда Фарғона ҳукмдорини қўллаётган қарлуқ ябғуси Жабуяни²⁹ водийдан қувиб чиқариш эди. Аммо Амр бинни Жамил мағлуб бўлди ва араблар бу юришдан кўзлаган мақсадига эриша олмадилар³⁰. Ал-Яъкубий ўз асарида таъкидлаган Жабуя Рофеъ ибн Лайс ёрдам сўраган вақтда катта эҳтимол билан Фарғонада эди, деб айтиш мумкин. Жабуянинг кўзғолончиларга ёрдам юборганлиги тўғрисида аниқ маълумотлар йўқ. Аммо Рофеъ ибн Лайс кўзғолонини “мусулмон ва султонлар”га қарши кайфиятдаги Фарғона ва Хўжанд аҳолиси қўллаб-қувватлайди³¹. Шу билан бирга асардан Жабуянинг халифа Махдий даврида исломни қабул қилгани, аммо Рофеъ ибн Лайс кўзғолони вақтида ислом динидан чиқиб, араб саркардаси Харсамани алдаб аслида Рофеъ ибн Лайсга ёрдам берганлиги каби муҳим маълумотлар ҳам ўрин олган³².

ХУЛОСА

Хулоса қилиб айтганда, Яъкубийнинг “Таърих” асари Фарғонанинг араблар даври тарихини ёритишда бирламчи манбалар сирасига киради. Гарчи

²⁹ Ўша жойда

³⁰ Бернштам А.Н. Древняя Фергана. – С. 26.

³¹ Яъкубий. Таърих. II. – Р. 528.

³² Yuldashev S.B. *Fergana in the VII century: It's development as a powerful state and its collapse* // History Research Journal. 2019 vol. 5. Issue 6. – P. 2952–2964; Yuldashev S.B. *Samanids of Fergana* // International journal for social studies. 2020. vol. 6. Issue 01. – P. 120–135; Yuldashev S.B. *The impact of the Aksu battle on Fergana* // ERPA International Journal of Research and Development. 2020. Vol. 5 (8). P. 60–64. DOI: <https://doi.org/10.36713/epra4917>; Yuldashev S.B. *Early arab invasions of Fergana* // «Евразийский Союз Ученых» научный журнал. – Москва, – 2020. – № 8 (77/4). – P. 31–35; Isamidinov M. The history of emergence of Sughd Cities // ERPA International Journal of Research and Development. Volume:5, Issue:10, October 2020 India. – P. 125–128; Mirsoatova S.T. New data on the late paleolithic of the Fergana valley // Евразийский союз ученых (2020. – № 10 (79/4). – P. 25–29; Farmanova G.K. The role of the geographic environment and climatic conditions in the formation of economic-cultural type of population when during ancient and antic period // ACADEMICIA: An International Multidisciplinary Research Journal. Vol. 10, Issue 11, November 2020. – P. 1612–1622. Impact Factor: SJIF 2020 = 7.13. DOI: 10.5958/2249-7137.2020.01639.0.; Rakhmatillayev H. Ethnodynamics of the city population of the Fergana valley of the first half of the XX century // ERPA International Journal of Research and Development. Volume: 5, Issue:5, May 2020. – P. 532–535; Arslonzoda R. Memoirs as a source on the history of Uzbekistan in the second half of the 19th – early 20th centuries // ERPA International Journal of Research and Development. Volume: 5, Issue:10, October 2020. – P. 119–124; Mahmudov O. *The beginning of the European renaissance*. ERPA International Journal of Research and Development. 2020; Vol. 5 (7). – P. 104–108. DOI: <https://doi.org/10.36713/epra4787>; Yuldashev S. Visit of chinese ambassador dung wan to Fergana // The history of the Fergana valley in new researches. – Fergana, 2021. – P. 123 – 131. <https://doi.org/10.47100/conferences.v1i1.1240>; Khamayev N.M. The essence of the armed struggle against soviet power in Turkestan in the interpretation of journalists // Asian Journal of Multidimensional Research (AJMR). 2020. – Vol-09. Issue-11, November 2020. – P. 146-150.

муаллиф бир неча воқеаларни Маъсудий ва Табарийга суянган ҳолда ёритган бўлса-да, у келтирган Фарғонанинг Қутайба томонидан тўлиқ эгалланмаганлиги, Фарғона хукмдорларининг Қошғардаги ҳаёти, уларнинг Фарғонага қайтиши, фарғоналикларнинг Рофеъ ибн Лайс исёнида иштироки тўғрисидаги маълумотлари бошқа манбаларда учрамайди. Юқоридаги жиҳатлардан мазкур асарни ўзбек тилига таржима қилиш, ундаги муҳим маълумотларни илмий муомалага олиб кириш ҳамда улар асосида ҳозирги кунда илмий ва ўқув адабиётларимизда мавжуд айрим бўшлиқларни тўлдириш зарур эканлигини кўрсатмоқда.

REFERENCES

1. Мустафакулов, А. А., Халилов, О. К., & Уринов, Ш. С. (2019). Цель и задачи самостоятельной работы студентов.
2. Хасанова, Г. (2021). ОЛИЙ ТАЪЛИМ МУАССАСАЛАРИ ПЕДАГОГЛАРИНИНГ КРЕАТИВ ҚОБИЛИЯТЛАРИНИ РИВОЖЛАНТИРИШНИНГ МАЗМУНИ. Academic research in educational sciences, 2(1).
3. Халилов, О. Қ., & Бобонов, Д. Т. (2021). КИМЁ ВА ФИЗИКА КУРСИНИ ЎҚИТИШДА ЛАБОРАТОРИЯ ИШЛАРИНИНГ МАҚСАД ВА ВАЗИФАЛАРИ. Scientific progress, 2(6), 199-203.
4. Хасанова, Г. И. Қ. (2021). БОЛАГА ЙЎНАЛТИРИЛГАН ТАЪЛИМНИ АМАЛГА ОШИРИШДА ТАРБИЯЧИНИНГ КАСБИЙ КОМПЕТЕНТСИЯСИНИНГ АХАМИЯТИ. Academic research in educational sciences, 2(9), 1051-1056.